

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«-----» սեպտեմբերի 2013թ.

N –Ա

ՈՐՈՇՈՒՄ

«ԹԻՎ 7 ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՄԱՆ ՄԱՍԻՆ

Ղեկավարվելով «Բաժնետիրական ընկերությունների մասին» Հայաստանի Հանրապետության օրենքի 18-րդ և 20-րդ հոդվածներով, 67-րդ հոդվածի 1-ին մասի բ) կետով, «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 14-րդ կետով՝

Երևան քաղաքի ավագանին որոշում է.

1. Երևանի քաղաքապետարանի ենթակայության «Թիվ 7 պոլիկլինիկա» փակ բաժնետիրական ընկերությունը վերակազմակերպել՝ միացնելով «Թիվ 8 պոլիկլինիկա» փակ բաժնետիրական ընկերությանը:

2. Առաջարկել Երևանի քաղաքապետին՝ սահմանված կարգին համապատասխան ապահովել «Թիվ 7 պոլիկլինիկա» փակ բաժնետիրական ընկերության վերակազմակերպման գործընթացի իրականացումը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

««ԹԻՎ 7 ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՄԱՆ ՄԱՍԻՆ » ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

«Թիվ 7 պոլիկլինիկա» ՓԲԸ գտնվում է Կենտրոն վարչական շրջանի Կիլիկիա 4 հասցեում, բնակելի շենքի առաջին հարկում: Ընդհանուր մակերեսը կազմում է 334.2մ² , որտեղ մատուցվում են արտահիվանդանոցային բժշկական օգնության ծառայություններ: Պոլիկլինիկայի սպասարկման տարածքի ազգաբնակչության թվաքանակը կազմում է 7771, որից 4067-ը գրանցված են:

Պոլիկլինիկայում կապիտալ վերանորոգման աշխատանքներ իրականացվել են ավելի քան չորս տասնամյակ առաջ, իսկ կոսմետիկ վերանորոգում՝ 1980-ականների սկզբին: Արդյունքում շենքային ոչ բավարար պայմանները, անհրաժեշտ բուժսարքավորումների բացակայությունը հնարավորություն չեն ընձեռում տեղում կատարել ՀՀ ԱՆ կողմից հաստատված չափորոշիչին համապատասխան լաբորատոր-գործիքային հետազոտությունները, ինչպես նաև նեղ մասնագիտացված ծառայությունները ողջ ծավալով: Մասնավորապես Երևանի քաղաքապետի կողմից հաստատված հաստիքացուցակով նախատեսված թվով 22 հաստիքների պայմաններում փաստացի աշխատողների թվաքանակը կազմում է 17: Դրանով է պայմանավորված բուժհաստատության աշխատակիցների կողմից տարբեր նեղ մասնագիտացված ծառայությունների մատուցման համատեղումը: Այսպես՝ տեղամասային թերապևտների կողմից միաժամանակ մատուցվում են նաև նեղ մասնագիտացված նյարդաբանական, ուռուցքաբանական, սրտաբանական, էնդոկրինոլոգիական ծառայություններ, մաշկավեներաբանի կողմից մատուցվում են նաև վիրաբուժական ծառայություններ, իսկ քիթ-կոկորդ-ականջաբանական և ստոմատոլոգիական կաբինետները ընդհանրապես չեն գործում:

Այս պայմաններում ակնհայտ է դառնում, որ բուժհաստատություն չունի համապատասխան ֆինանսական և կադրային ռեսուրսներ ազգաբնակչությանը անհրաժեշտ ծավալի և որակի բժշկական ծառայություններ մատուցելու, ինչպես նաև սեփական ռեսուրսներով զարգանալու համար, ուստի անհրաժեշտ է այն վերակազմակերպել՝ այլ բուժհաստատության հետ միացման ճանապարհով:

Հաշվի առնելով «Թիվ 8 պոլիկլինիկա» ՓԲԸ-ի լաբորատոր-գործիքային հագեցվածությունը, կադրային ներուժը, համապատասխան շենքային պայմանները, սպասարկման առումով տարածքային հարմարավետությունը, ինչպես նաև «Թիվ 7 պոլիկլինիկա» ՓԲԸ տարածքների վերանորոգման և վերազինման համար անհրաժեշտ ֆինանսական միջոցները, նպատակահարմար ենք գտնում «Թիվ 7 պոլիկլինիկա» ՓԲԸ-ն վերակազմակերպել՝ միացնելով «Թիվ 8 պոլիկլինիկա» ՓԲԸ-ին:

Արդյունքում հնարավոր կլինի «Թիվ 7 պոլիկլինիկա» ՓԲԸ տարածքում ձևավորել ընտանեկան բժշկության գրասենյակ, կավելանա ազգաբնակչությանը մատուցվող ծառայությունների անվանացանկը, կբարձրանա ծառայությունների որակը, վճարովի ծառայությունների ծավալները: Այս պայմաններում հնարավոր կլինի տարածքի ազգաբնակչությանը մատուցել հիմնական ծառայությունների փաթեթով նախատեսված արտահիվանդանոցային ծառայությունների ողջ ծավալը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**««ԹԻՎ 7 ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
ՎԵՐԱԿԱԶՄԱԿԵՐՊՄԱՆ ՄԱՍԻՆ » ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՎԵՐԱԲԵՐՅԱԼ**

««Թիվ 7 պոլիկլինիկա» փակ բաժնետիրական ընկերության
վերակազմակերպման մասին» որոշման նախագծի ընդունման առնչությամբ այլ
իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**««ԹԻՎ 7 ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
ՎԵՐԱԿԱԶՄԱԿԵՐՊՄԱՆ ՄԱՍԻՆ » ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆ ՔԱՂԱՔԻ ԲՅՈՒՋԵԻ
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ
ՎԵՐԱԲԵՐՅԱԼ**

««Թիվ 7 պոլիկլինիկա» փակ բաժնետիրական ընկերության
վերակազմակերպման մասին» որոշման նախագծի ընդունման կապակցությամբ Երևան
քաղաքի բյուջեի եկամուտներում և ծախսերում փոփոխություններ չեն առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ